

山左金石志

山左金石志卷第五

岳陽縣都察院右都御史蕭湖湖北湖南等處地方總督兼理糧餉前山東巡撫加三級總沅

同撰

尚書主事都察院右都御史蕭湖湖北湖南等處地方總督兼理糧餉前山東巡撫加三級總沅

鏡

漢壽光紀侯鏡

南齊書云光紀侯鏡如右漢書云光紀侯

右鏡徑三寸九分葵花鈕式與博古圖所載始青鏡同篆
文銘十三字曰東萊壽光紀侯鏡如有神左左曰按紀春
秋時國名至漢為亭名郡國志劇有紀亭屬北海國劇縣
按劇即今之壽光地而郡國志之壽光反屬樂安國不屬
北海西漢地理志壽光屬北海郡又不屬東萊是亭與縣
縣與郡全不副矣諦思之壽光在東漢屬樂安國西漢無

樂安故屬北海劇是侯國名若設立亭侯為紀

鄭夾際通志畧謂劇

乃紀字即不復屬劇鄉侯亭侯不得稱國所食之邑舍壽

之誤光奚屬乎惟兩漢志壽光不屬東萊郡但萊之平度當利與壽光接壤古人郡縣犬牙相制變置無常安知壽光不會隸東萊班范二史偶未之及乎西漢恩澤侯表有陳倉侯紀食邑七百戶傳六世為其所作鏡未可知也

陽牛運震家

漢十言鏡

十言止紀從孫始調煉銅鑄為鏡南州新鑄
珍好圖樣子辰而二親樂也以此書敬金石
夫王

步四

甲丑南天廣以中未申酉戌

右鏡徑七寸一分葵花鈕篆書十二辰圖四靈篆文銘四十二字曰十言之紀從鏡始調凍銅錫去惡率刻鏤均好宜孫子長保二親樂毋已壽敝金石先王母末一句拓本破壞十言者韓勅造孔廟禮罷碑云前闔九頭以什言教後制百王獲麟來吐嘉定錢辛楣宮詹云什言者十言也春秋正義引易云伏羲作十言之教曰乾坤震巽坎離艮兌消息碑蓋用其語上二句言贊易下二句言作春秋也古鏡多用四神十二辰此獨取于伏羲之十言其爲漢罷無疑西有先音先王母者卽西王母也宰滓均勻皆古通用字鏡存滋陽牛氏

漢尙方十二辰鏡

尙方卽見不母傍打工卯之古文章左記右辭詳未見者氏噴陰陽

子精微義述中央凍治銀錫清而明長保二親永固福壽敬金石如侯王
中五圖形既以用未申酉戌亥

右鏡徑六寸四分鼻鈕篆書十二辰八乳四神篆文銘五
十六字曰尙方作竟大毋傷巧工刻之成文章左龍右虎
辟不祥朱鳥元武順陰陽子孫備具居中央凍治銀錫清
而明長保二親樂富貴壽敝金石如侯王外作菱花飾博
古圖曰造化之本莫先于天地故首之以乾象十二辰者
乾象也乾象者百神之主故以四神附之爲器如是夫然
後可以歌頌其美故次之以詩詞頌必有致養之道故參
之以牧乳而乳者養人之道也有所養則鳥獸草木莫不
咸若故又次之菱花等樣云云按長保二親句此鏡亦非
供御之物以下十八鏡皆黃小松易得之于濟寧

漢許氏四神鏡

許氏臣竟自有紀青龍白虎居左右聖人周公魯自孔子使吏高遷
車生氏郡舉孝廉州博士少不努力老乃悔吉

右鏡徑四寸二分鼻鈕四神八乳方枚上多作日字隸書
銘四十三字曰許氏作竟自有紀青龍白虎居左右聖人
周公魯孔子作吏高遷車生耳郡舉孝廉州博士少不努
力老乃悔吉黃小松易曰漢人范金制銘句多頌美獨許
氏鏡作勉戒語爲難得也按車生耳出揚子太元經積次
四君子積善至於車耳注曰積善成位故車生耳如車服
以庸之義云云漢書景帝紀令長吏二千石車朱兩轎千
石至六百石朱左轎應劭曰車耳反出所以爲之轎屏翳
泥塵也二千石雙朱其次乃偏其左輒以簞爲之或用革

如淳曰轡音反小車兩屏也此乃用之于鏡銘知是當時尋常語爾

漢尚方四神鏡

尚方上真身八好中有仙人不知老渴飲玉泉飢食棗浮

中或周月長已下未申百戊可

右鏡徑五寸五分鼻鈕四神十二辰篆文銘二十五字曰尚方作竟真大好中有仙人不知老渴飲玉泉飢食棗浮由天下按本草仙經三十六水法中化玉爲漿稱爲玉泉服之不老飢食棗者乃史記封禪書安期生食大棗之義中有仙人者乃祝釐服御者之詞浮由者言游行天下也說文浮汜也廣雅浮游也又云浮浮行也漢鏡往往作浮游闕亦有作游浮者此鏡別作浮由蓋由游字異音義同

皆有行義廣雅由行也曹植雜詩云將騁萬里途東路安足由亦訓由爲行之證說文作避行避徑也

漢馬氏龍虎鏡

馬氏世音八寶大鏡上背山人界知法大吉字

右鏡徑三寸七分鼻鈕二龍二虎篆文銘十七字曰馬氏作竟真大巧上有仙人不知老大吉今仙省作山

漢宜官鏡

馬氏世音八寶大鏡上背山人界知法大吉字

右鏡徑三寸二分鼻鈕篆書君宜高官四字此博古圖所謂作國史語而爲四字用之百執者也

漢四神鏡

吾正明鏡出漢三尚明如日月

右鏡徑四寸鼻鈕四神篆文銘左旋凡十二字曰吾作明
竟幽凍三商明如日月按儀禮士昏禮鄭康成注曰日入
三商爲昏賈氏疏曰商爲商量是漏刻之名然則所謂幽
凍三商是紀其凍治之候也

漢白圭鏡

前考古鏡百大て上ノ山ノ口口夫

白圭と云真大工に又て

二面ノ子

右鏡徑四寸四分鼻鈕十二乳鸞鳥紋內一層銘篆文四
字曰長宜孫子第二層篆文銘十字曰白圭口兮真大工
上又兮第三層篆文銘十四字曰尙方作竟真大工上有
山人口口老按白圭魏文侯時人史記謂爲治生之祖作

鏡而推彼者慕其貨殖也巧字或作工或作巧有作又仙作山省文飾以鸞鳥博古圖以爲取諸舞鸞之說也

四靈鏡

國公錄

右鏡徑六寸三分鼻鈕九乳四靈篆文銘三字曰宜子孫
宜子孫者博古圖所謂用以藏家也

漢長宜子孫鏡

壽如金石佳且好

長宜子孫

右鏡徑五寸七分鼻鈕內一層篆文銘四字曰長宜子孫
外一層篆文銘八字曰壽如金石佳且好今此博古圖所
謂單言之不足或長言之者也

大吉羊按立字古通位羊字古通祥

漢蝙蝠鏡

戶宜子孫

右鏡徑三寸二分鼻鈕四蝙蝠間篆文銘四字曰長宜子孫子字作肥勾

漢長宜子孫鏡

長宜子孫

右鏡徑三寸三分人鈕餘畧同前

漢位至三公鏡

位至三公

右鏡徑三寸五分鼻鈕雙龍篆文銘四字曰位至三公

漢位至三公鏡

位至三公

右鏡徑二寸五分餘同前

漢位至三公鏡

位至三公

右鏡徑二寸八分鼻鈕篆文銘四字曰位至三公外飾夔龍四作十六出

漢日有喜鏡

日有喜直順山官臣與圃樂市幣事

右鏡徑五寸七分蟾蜍鈕篆文銘十二字曰日有喜宜酒

食長貴富樂無事何

元錫

拓之于德州錢可廬

大昭

定以

爲漢鏡何以明之古喜字亦作喜說文喜說也史記周本紀無不欣慰漢書郊祀志天子心獨喜顏師古讀喜爲喜

劉寬碑陰河東郡開憲班氏地理志司馬氏郡國志並作
聞喜此銘明作憲字故定爲漢

漢日有意鏡

日有者三月有向形亦事南得言也蓋入合昌之廷必
侍簡市之形乃抄平老須了

右鏡徑五寸形製與前鏡不同銘文亦異前是方列此是
圜旋篆文二十七字曰日有意月有向樂毋事常得意萬
人亨芋瑟侍賈市而万物平老復丁惟日有意樂毋事與
前鏡同因連類比附乾隆乙卯孟冬濰縣令莊述祖拓寄
云可與急就章老復丁相證佐也

漢游浮鏡

佳美敦實大野上有仙刀不知老渴次還泉飢食素游浮天下教三海

漱金石 係

辛丑閏八月己未申酉戌月

右鏡徑四寸九分鼻鈕十二辰開十二乳又外八乳圖四
靈篆文銘三十五字曰作佳竟哉真大好上有仙人不知
老渴飲澧泉飢食粳游浮天下敖四海壽敝金石口口保
按爾雅甘雨時降萬物以嘉謂之醴泉禮運云天降膏露
地出醴泉白虎通義云醴泉者美泉也狀若醴酒可以養
老然皆从酉不从小惟列子殷湯篇甘露降澧泉湧正从
水是醴澧古通用黃小松易得之于濟寧

漢黃帝鏡

黃帝治竟大母 酌白醴都京許朱馬氏調陰陽子紹陶具居中央為官

貴富昌壽先王母樂未央兮

中華書局影印本

右鏡徑五寸七分葵花鈕八乳四靈篆書十二辰隸書銘
四十三字曰黃帝治竟大吉□□龍白虬辟不詳朱鳥元
武調陰陽子孫備具居中央爲官□□貴富昌壽先王母
樂未央兮此博古圖所謂善頌門效柏梁體者也作鏡而
推黃帝黃帝始作鏡也祥作詳借邵陽褚峻拓于兗州

漢宜君鏡

君宜同位

右鏡徑四寸一分式同蝙蝠鏡篆書君宜官位四字與君
宜高官同意博古圖云宜君宜王言子孫之宜也顏運生
崇桀家藏

漢位至三公鏡

平政寅申辰巳申未申酉戌辰

右鏡徑五寸五分式如朱壽鏡篆文銘三十一字模糊不可盡識有曰作竟真無傷子孫口樂未央人口口口口不口率口上有山人不大老王母等字讀不可通黃小松拓于濟寧

漢樂無極鏡

新鑄四寸五分鏡其多賀君家受大福位至公恩時許合臣幸得時至獲吉如傳傳世功由世永無至大吉

中又與外同已今未申酉戌辰

右鏡徑四寸八分鼻鈕內篆書十二辰外圖四靈八乳篆文銘三十七字曰新銀茲竟子孫眾多賀君家受大福位至公卿脩祿食幸得時口獲嘉德傳之後世樂無極大吉

何元錫得之于山東△△字見南宮中鼎以卽卿出卽世亟
是極之省文

漢高官鏡

高官

右鏡徑二寸三分鼻鈕篆書高官二字旁作雙龍凡鑑鑄
龍曰龍護博古圖曰唐開元間李太者進水心鑑背負蟠
龍蜿蜒若生太乃表其鑑曰龍護所作真龍託于是焉久
之歲旱明皇引葉法善卽鑑祈禱而雲生鑑龍之口於是
甘露霑七日而足故凡有龍者取龍護之象也

晉張尹鏡

張尹作三見宜侯五突富大富梁未 子紅面具居中央身孫

二現世昌

右鏡徑五寸鼻鈕六乳四靈隸書銘二十七字曰張尹作
竟宜侯王家當大富樂未口子孫備具居中央長保二親
世世昌按張其姓尹必其官古者工必有尹故禮記有工
尹商陽左氏傳有工尹路而漢之尙方則隸少府無尹之
稱惟晉南渡哀帝省中左右三尙方并丹陽尹意者爾時
之所鑄歟何元錫拓之於濟寧

梁太平鏡

太平元年五月丙午朔口口口並說與並卯卯
貴百穀玉雕土龜呈富不影口口
口天下安口卯多早

右鏡徑三寸九分鼻鈕衆神八方枚內篆文銘八字多模
糊曰口天下安口明多子外篆文銘三十一字字多反寫

曰太平元年五月丙午時□□道始興造作明竟百煉
正銅上應星宿下達□□按以太平紀元者自唐以前凡
四見一爲吳廢帝一爲北燕王馮跋一爲梁敬帝一爲楚
帝林士宏今定爲梁鏡五月丙午鑄物義取以火制金故
古鏡鉤鐫曰某年五月丙午曰造者以史推之往往其月
無丙午日侍御江秋史德量二漢銅鉤皆言五月丙午不
合於史未可疑爲僞也此鏡銘曰五月而梁太平改元在
九月卽漢鉤例也何以訂爲梁太平以正字避真知之梁
敬帝小字法真六朝人忌諱甚密卽小字臣下想亦必謹
避之矣其爲梁鏡無疑鏡元自藏

隋六馬雙鏡

周仲作見四夷傳各戶冒國又云是
實乃威天下復風

兩時節已報詞長保二親得天力吳訓倚里

右鏡徑六寸六分鼻鈕周作細乳中有神像二坐盤匡上
八足森然而無螯又作輶輶車二駕以六馬窓幃雕鏤甚
工間以四巨枚外邊作細乳篆文銘二十九字曰周仲作
竟四夷服唯賀國家人民息口虜口威天下復風雨時節
五穀熟長保二親得天力吳造陽里元按此隋鏡漢人于
古音不少假借服息力入聲職德部復熟入聲沃燭部勢
不可紊六朝人始多通用又內有虜威天下復等字又知
非南北朝語內不諱民字又知非唐人所造故臆以爲隋
鏡也鏡二枚一爲癸丑年所得一爲甲寅年試曹途次濟
寧購于道旁小舖中不惟尺寸花樣相符卽第三句第三
字模糊亦不爽豪髮然後知爲一范所銘延津竟合斯亦

奇矣

龍氏鏡

龍氏 四夷服多貢君家仁德惠以天下天下復周時節五穀孰家祿食

孫力得天福

右鏡徑三寸七分鼻鈕顏運生得于曲阜銘文四十二字
云龍氏□□四夷服多賀君家人民息□虜除□天下復
風雨時節五穀孰家祿食□□□□□孫力得天福殘
闕者十字其詞與周仲六馬鏡畧同彼既定爲隋鑑此鏡
當亦同時所作

虬花鏡

長宜子孫萬世宜高官

右鏡徑三寸鼻鈕虬紋篆文銘曰長宜子孫君宜高官似

乎相開書之其實有花紋以隔別也制似六朝何元錫得

之于山東今贈馬比部履泰

孫氏鏡

孫

馬四

右鏡大小式樣如王母鏡篆文銘四字曰長宜子孫左有正書一孫字疑六朝倣漢孫氏所作之鏡也黃小松拓于濟寧

吉禽鏡

吉禽乃王母鏡篆文銘四字曰長宜子孫左有正書一孫字疑六朝倣漢孫氏所作之鏡也黃小松拓于濟寧

右鏡徑四寸三分鼻鈕圖象神象文銘字多模糊有良日

吉禽乃作缺東王公西王母朱缺王缺子長邑口天公廿

一作竟自有已幽凍三商母惡缺出范見具師長其保百
昌等字按二十八宿建除家謂之演禽吉禽猶吉辰也其
保作甘呆者說文箕古文作甘猶文作其本一字也呆古
文保夏邑張度購于濟南

日光鏡

日山三吉巨

右鏡徑四寸二分式與日有嘉鏡同篆文銘八字曰見日
之光長毋相忘按見應讀爲現毋相忘者取合歡之意乃
古人奩中物也宋葆淳拓于濟寧

日光鏡

日山三吉天

右鏡徑三寸八分篆文八字曰見日之光天下太月未一

字蓋明字也次句與前鏡不同形製實相類乾隆乙卯孟

冬濰縣令莊述祖得而拓寄

南山鏡

南山長壽刀園官藏前中興王及熙寧帝寶圖以具臣取

右鏡徑五寸葵花鈕四靈篆文銘二十四字模糊不能盡

識有南山長壽人宜官□□子孫昌□□服□無□□□

□民風良等字今在曲阜孔繼瀚家意為六朝器

唐八卦鏡

天地成日月五嶽靈四瀆清十二

精八卦貞富貴盈子孫盛留賢英

福祿祥

右鏡徑五寸四分鼻鈕圖山岳并十二辰像外作八卦篆文銘三十字曰天地成日月明五嶽靈四瀆清十二精八卦貞富貴盈子孫寧皆賢英福祿并何以知其爲唐鏡也明英通陽靈通真文不與精清爲韻漢人分之甚晰此唐人不知古音者所作之銘也錢唐何元錫拓之于濟寧

唐玉臺鏡

絕照胎見心圓輝陽面藏寶匣而光掩挂玉臺而影見鑒
□□於後庭寫衣簪乎前殿

右鏡徑四寸三分螭鈕四獸正書銘二十八字曰絕照覽心圓輝陽面藏寶匣而光掩挂玉臺而影見鑒□□於後庭寫衣簪乎前殿外圖十二辰像詳其銘詞乃唐時供御物也拓之于濟南潭西精舍

唐青鸞鏡

月樣團圓水漾清好將香閣伴閑身青鸞不用羞
孤影開匣當如見故人

右鏡徑二寸八分鼻鈕正書七言絕句一首曰月樣團圓
水漾清好將香閣伴閑身青鸞不用羞孤影開匣當如見
故人外折枝花四枝按段若膺四聲音均表清在第十一
部身人在第十二部然易象象傳天命淵賢信民人賓與
形成貞寧生正平精清等字并用是二部古有相合字唐
人首句押韻雖不必拘拘然未有無故牽入者此清字可
補其未備顏崇樂家藏

唐凝清鏡

光流素月寶粟玄精澄空照水照向從清終古永固

望叫心靈

右鏡徑四寸六分鼻鈕四螭正書銘二十四字曰光流素
月質累元精澄空鑒水照迥凝清終古永固瑩此心靈銘
詞近雅乃文人筆也宋葆淳拓之于濟寧

唐范陽鏡

范陽官局造

右鏡四寸二分八出鼻鈕雙龍邊有范陽官局造五字按
博古圖謂天子服御之器則飾以龍今以節度使儼之則
方鎮跋扈之漸有由來矣是以君子慎其微也崇禎家
藏

唐臨池鏡

團、寶鏡皎、昇、皇、鸞、窺、自、憐、照、日、花、開、語

池似月觀自嬌來

右鏡徑四寸八分葵花鈕六獸正書銘二十四字曰團團
寶鏡皎皎升臺鸞窺自儷照日花開臨池似月觀兒嬌來
詞艷麗類六朝然視其筆畫爲唐鏡黃小松易拓于濟寧

前蜀寫眉鏡

練飛神冶瑩質良工如珠出匣似月停空當眉寫
翠對臉傳紅綺窓繡晃俱含影中

右鏡徑五寸鼻鈕內作海馬蒲萄外正書銘三十二字按
此鏡與學齋佔畢及太平廣記鳳州遁跡山郭家崖景德
二年軍人楊起所得之鏡銘詞并同惟易幌爲晃涵爲含
與博古圖所載瑩質第二鏡但末句俱照秦宮爲稍異耳
元和蔣蔣山徵蔚云十國春秋前蜀後主幸秦州賜王承

休妻嚴氏鏡銘詞與此正合故定爲前蜀時物罷爲吳江

陸繩購于濟南今贈仁和馬員外履泰

清素鏡

清素鏡銘

金

福壽平安

右鏡徑四寸八分鼻鈕內篆文銘四字曰福壽平安字近

義雲章篆法外篆文銘八字曰清素傳家永用寶鑒似金

元之物元自藏

山左金石志卷第六

兵部尙書兼都察院右都御史兼督湖廣等處地方兼務兼理糧餉前山東巡撫加三級學況
內閣學士兼禮部侍郎 鄭壽行 走 文淵閣閣丞提督庶務前山東學政加三級阮元

同撰

印 漢關中侯印



右印徑八分白文涂金龜鈕又二方一徑八分一徑五分

前一方孔

廣農

藏後二方見濟寧印譜濟寧人有印五百

方質于解庫原任濟寧知州王

穀

贖之作蓮湖集古銅印

譜後凡言見濟寧者此也孔氏古印初集曰漢官舊儀丞

相列侯將軍金印紫綬綬建安二十年曹操定制關中侯

爵十七級金印紫綬不食邑

漢都亭侯印



右印曰漢都亭侯涂金辟邪鈕白文藏濟寧虞生王

宗敬

家按光武中興大縣侯視三公小縣視上卿鄉亭視中二千石都亭者城內亭也其城外者為離亭但謂之亭攷酷吏傳嚴延年母止都亭不肯入府寶武傳集首雒陽都亭在城內無疑

漢石洛侯黃金印



右印方一寸三分厚一寸龜鈕小篆白文曰石洛侯印案

漢制天子諸侯王皆爲璽三公列侯以下俱爲印天子玉璽諸侯王金璽惟太師太傅太保丞相太尉列將軍列侯皆用金印而御史大夫不與焉成帝更名大司空始用金印其它則或銀或銅矣石洛是列侯故得用金印此印諸城人得之於城南土中爲舉人李仁禮所得李云史記王子侯表石洛侯劉敬城陽頃王子元狩元年四月戊寅封則是石洛侯乃高祖五世孫武帝所封者漢書始封年月皆合惟以石洛爲原洛劉敬爲劉敢元狩爲元鼎蓋傳寫而異據此足正班氏之誤金石之有裨史學如此

漢新昌里印



右印長八分寬五分篆字四曰新昌里印上二字白文下
二字朱文按漢書地理志遼東郡縣有新昌唐書兵志朔
方經略豐安定遠新昌天柱宥州等城曰關內道白居易
詩聽鍾出長樂傳鼓到新昌又曰將赴銀臺門始出新昌
里卽謂此也印爲顏教授崇樂所藏

漢建義將軍印



右印文曰建義將軍章孔

廣興

所藏古印初集曰後漢書

朱祐傳祐字仲光南陽宛人世祖卽位拜爲建義大將軍
此所謂雜號將軍也印徑七分銀鈕白文

漢偏將軍印



右印曰偏將軍印章瓦鈕白文後漢書朱浮傳浮初從光武為大司馬主簿遷偏將軍印章二字連用者猶取足五字之數也印元自藏

漢軍司馬印



右印曰軍司馬印白文孔

廣雅

藏八方見濟寧十方大小

形製微有不同有鼻鈕者有瓦鈕者孔氏古印初集曰漢官舊儀六百石四百石二百石以上皆銅印鼻鈕文曰印顏師古曰謂鈕但作鼻不為蟲獸之形而刻文云某官之

印續漢書百官志大將軍營五部部校尉一人比二千石
軍司馬一人比千石部下曲曲有軍候一人比六百石
曲下有屯屯長一人比二百石其不置校尉部但軍司馬
一人又有軍假司馬假候皆為副貳其別管領屬為別部
司馬按顏注六百石四百石二百石以上鉏但不作蟲獸
之形則鼻鉏與瓦鉏秩相埒矣軍司馬之官前漢已有之楊敞傳給事大將軍幕府
曾為此官

漢別部司馬印



右印文曰別部司馬白文孔

辨誤

藏入方濟寧見五方鉏

有鼻瓦之別大小形製略同

漢詔假司馬印



右印曰詔假司馬瓦鈕白文孔廣熹藏一方濟寧見一方

形製同

漢假司馬印



右印曰假司馬印白文孔廣熹藏二方濟寧見十三方大

小微有不同按詔假司馬假司馬軍假司馬文雖不同同

一司馬副貳官也假司馬官見漢書趙充國傳

漢左將別部司馬印



右印文曰左將別部司馬瓦鈕白文孔

廣吳

藏一方其古

印初集曰前後左右將軍秦漢三國皆有之故附于漢文

元自藏一方

漢駙馬都尉印



右印曰駙馬都尉白文按續漢書百官志駙馬都尉此二

千石本注曰無員漢官儀曰五人掌駙馬印見濟寧

漢部曲將印



右印曰部曲將印鼻鈕白文孔 廣煨 藏五方濟寧見十四

方大小形製略同說見軍司馬下

漢騎部曲將印



右印曰騎部曲將白文孔 廣煨 藏二方濟寧見三方大小

之形製略同曰騎部曲將者別步部曲將而言也

漢副部曲將印



右印曰副部曲將白文形製差類部曲將見濟寧

漢騎部曲督印



右印曰騎部曲督鼻鈕白文孔

廣漢所藏一方濟寧見二

方形製略同曰騎部曲督者別步部曲督而言也

漢部曲督印



右印曰部曲督印鼻鈕白文孔

廣漢

藏二方濟寧見四方

形製略同曰部曲督者亦校尉司馬之僚佐歟

漢軍假候印



右印曰軍假候印白文濟寧見一方制比軍曲候印曰假候亦曲候之副貳矣

漢軍曲候印



右印曰軍曲候印鼻鈕白文孔廣藏四方濟寧見六方

形製略同古印初集曰大將軍部下有曲曲有軍候一人

秩六百石

漢司宮長史印



右印曰司宮長史白文按續漢書百官志凡居宮中者皆有口籍於門之所屬官名兩字爲鐵印文符按省符乃內之若外人以事當入本宮長史爲封聚傳此司宮長史之職也印見濟寧

漢沱陽令印



右印方八分碑鈕白文孔

開吳

所藏其古印初集曰漢書

地理志左馮翊池陽按沱卽池之正體漢志傳刻从俗作

池

漢頓邱令印



右印方六分碑鈕頓下一字蝕爛不可辨白文按漢書地理志東郡有頓邱續漢郡國志同兩漢縣名他無冠頓字者其爲頓邱令印無疑孔廣森藏

漢奉車都尉印



右印曰奉車都尉江墨君德地曰後漢百官志有奉車將

軍此其屬也白文顏崇樂藏

漢彭城左尉印



右印曰彭城左尉白文按續漢書百官志尉大縣二人彭城後漢爲國名前漢屬楚國地理志注戶四萬一百九十六有鐵官宜其有左右二尉也漢制郡有尉其秩比二千石王國之制與郡畧同故有尉也見濟寧

漢東平陸馬丞印



右印曰東平陸馬丞白文按續漢書百官志縣丞一人署文書典知倉獄今日馬丞是丞而知馬政者也東平陸屬

東平國曰東平陸者別西河平陸而言也見濟寧

漢睢陵馬丞印



右印曰睢陵馬丞印白文按漢書地理志睢陵屬臨淮郡
莽改曰睢陸師古曰睢音雖續漢書郡國志屬下邳國據
此與平陸馬丞印知漢時縣丞專知馬政可以補史之缺
略矣見濟寧

漢主爵私印



右印曰主爵私符銅印鼻鈕白文萊州人修城掘土得之
爲澤州諸生陳秉灼明軒所藏按漢書汲黯傳黯守東海
大治上召爲主爵都尉列於九卿漢初有主爵中尉景帝
中六年更名都尉公卿表有主爵中尉不疑曰私符別官
印也

漢輕車良印



右印文曰輕車良印按孫子八陣有輕車之陣續漢書與
服志輕車古之戰車也漢書李廣傳廣從弟蔡元朔中爲
輕車將軍斯印想亦任此官而名良者見濟寧白文

漢盧水仟長印



右印曰漢盧水仵長白文按漢書地理志中山國盧奴注
曰盧水出右北平東入海北平注曰又有盧水亦至高陽
入河是二盧水俱在冀州之北後漢書西羌傳羌燒何豪
有婦人比銅鉗者百餘歲多智算爲盧水胡所擊晉書紀
永平元年馮翊北地馬蘭羌盧水胡反是盧水近邊故其
時部署仵長以爲禦寇之計而有此印也見濟寧

漢歸義夷仵長印



右印曰漢歸義夷仟長橐駝鈕白文孔廣輿所藏古印初集曰續漢書百官志四夷國王率狐歸義侯邑君邑長皆有丞比郡縣按蠻夷羌氏有邑長仟長伯長師長秋長名目

漢圜陽宰之印



右印方七分龜鈕白文孔廣輿所藏古印初集曰漢書地理志上郡白土縣圜水出西東入河莽曰黃土師古曰圜

音銀又西河郡圜陽縣師古曰此縣在圜水之陽又圜陰縣莽曰方陰師古曰圜字本作圓縣在圓水之陰因以爲名也王莽改爲方陰則是當時已誤爲圓字今有銀州銀

水卽是舊名猶存但字變耳水經河水云又南過西河圉
陽縣東郡注云圉水出上郡白土縣圉谷東逕其縣南地
理志曰圉水山西東入河王莽更曰黃土也圉水又東逕
圉陰縣北漢惠帝五年立王莽改曰方陰矣漢書武帝紀
太初元年正歷以正月爲歲首色上黃數用五張晏曰漢
據土德土數五故用五謂印文也若丞相曰丞相之印章
諸卿及守相印文不足五字者以之足之按此印五字乃
西漢制小顏謂圉水當時已誤爲圉得此可據

漢劉勝印



右印曰劉勝私印瓦鈕購於濟南市後漢書杜密傳密爲

北海相還家每謁守令多所陳託同郡劉勝亦自蜀郡告
歸鄉里閉門埽軌無所干及太守王昱謂密曰劉季林清
高士公卿多舉之者是知勝亦潁川人盛熙明法書考予
得古銅章有劉勝私印前行劉勝二字作白文而此印惟
勝字作白文與孔廣熹所藏者同孔又云凡見七八鈕竝
同與盛說較異

漢劉榮印



右印曰劉榮印信朱文見濟寧按榮西漢時封臨江王謚
曰閔見史記又東漢嗣沛王亦有名榮者證曰幽未知孰
是

漢李廣印



右印曰李廣二字白文見濟寧按廣隴西成紀人官前將軍卽數奇不得封侯者也又東漢嗣封琴亭侯者亦爲李廣東萊黃人見李忠傳未知孰是

漢孔霸印



右印曰孔霸二字白文黃司馬易得於濟寧按闕里文獻考十三代霸字次孺從夏侯勝治尙書昭帝徵爲博士宣帝時授太子經遷詹事出爲高密相元帝卽位拜太師賜

爵關內侯號褒成君給事中帝欲致之相位陳讓至三乃止上書求奉先聖祀卒贈列侯諡曰烈君

漢張根印



右印曰張根印信朱文又一印曰張根之印白文竝見濟寧按根嗣富平侯張放之兄也少病不能嗣爵又東漢張繡子亦名根光和時封蔡陽鄉侯未知孰是

漢尹賞印



右印曰尹賞一字白文見濟寧按賞字子心鉅鹿陽人見

漢書酷吏傳

漢張山拊印



右印曰張山拊印白文見濟寧按山拊字長賓扶風平陵人從小夏侯受尚書見儒林傳

漢王武印



右印曰王武之印白文又二印文王武二字竝見濟寧按

武宣帝之賜封樂昌侯

漢王仁印



右印曰王仁印白文見濟寧按仁王譚之子嗣封平阿侯

漢張武印



右印曰張武之印白文見濟寧按武張敞之弟官梁相又東漢吳郡由拳人張武嘗舉孝廉遭母喪哀慟絕命未知就是

漢蘇章印



右印曰蘇章私印白文見濟寧按章字游卿北海人見鮑
宣傳又東漢蘇章字孺文扶風平陵人順帝時爲刺史忤
旨免再徵不就未知孰是

漢鄭崇私印



右印曰鄭崇私印雙邊白文極古雅黃司馬易得之於濟
寧按鄭康成傳云八世祖崇哀帝時尙書僕射作此印者
卽其人歟

漢黃賢印



右印文曰董賢印白文見濟寧按賢字舜卿雲陽人哀帝時官至三公見佞幸傳

漢劉宣印



右印曰劉宣印信白文見濟寧按宣字子高南陽宛人故安侯侯崇之從弟王莽時隱避林藪光武中興襲封安侯

漢張永印



右印曰張永私印白文見濟寧按永王莽時獻符命銅璧
封貢符子見元后傳又劉宋大明時有張永字景雲歷官
廷尉封尋昌縣侯元徽二年遷南兗州刺史此印篆刻古
雅非六朝時物

漢劉敞印



右印曰劉敞之印白文見濟寧按敞東平懷王忠之子襲
封王爵諡曰孝見後漢書光武十王傳

漢陽政印



右印曰楊政之印白文見濟寧按政字子行京兆人受梁邱氏易時人爲之語曰說經鏗鏘楊子行是也官左中郎將見後漢書儒林傳

漢黃昌印



右印曰黃昌白文見濟寧按昌字聖真會稽餘姚人見後漢酷吏傳

漢井官武印



右印曰并官武白文見濟寧攷孔子娶於宋并官氏漢韓勅禮器碑作并官宋祥符元至順竝有追封孔聖夫人詔俱作并官家語作并官廣韻引魯先賢傳孔子妻并官氏皆非也此并官武卽其族据此印文可證板本傳寫之誤

漢孔少子印



右印曰孔少子信印大貴長壽白文黃司馬易得於濟寧文但稱少子而不著其名不知孔氏何公之少子也製作的是漢印因附之江墨君德地曰末乃大貴長壽四字漢人吉祥恒語也

漢大將軍竇武印



右漢大將軍聞喜侯寶武名印白文甲寅元得於濟南銅質龜鈕較他印差大文字整齊毫無缺爛非後人撥蠟所可彷彿則金錫之齊得也武字上有銅綠銅之若剔去則其文可顯然未可以此損古澤大將軍當龜鈕銀印此用銅者以私印之故漢官私印中如此等章法已屬罕觀何況大將軍以外戚而冠清流名節震朝野二千年後摩挲遺範知凜然猶有生氣焉

漢突騎王豐印



右印曰王豐私印龜鈕白文孔廣漢所藏古印初集曰說

文豐从曲豐从曲此印曲卽隸書曲當是豐器之豐或云
繆文繁不守六書如安豐令印豐字作豐按漢光武爲銅
馬五幡所敗自投崖下遇突騎王豐授以馬古人同姓名
者多有未敢爲突騎印也凡私印準此

漢白土當印



右印文曰白土當印按漢書地理志白土縣名屬上郡固
水所出王莽改曰黃土矣白土當者豈以縣爲氏而名當
耶抑漢亦有監當之稱耶白文

漢雒陽充印



右印曰鮭陽充印白文元購於濟南市鄭樵氏族略云鮭氏音圭以居鮭陽改爲鮭氏後漢書有鮭陽鴻爲少府傳孟氏易按後漢書儒林傳中山鮭陽鴻字孟孫鮭从角不从魚注云姓鮭陽名鴻不姓鮭音胡瓦反不音圭且云其字从角字或作鮭从魚者胡佳反姓名私印無考者原不載以鮭陽氏除鴻以外惟得此一人且以證鄭氏之誤故附之

漢甘士廣母子孫印



右印方六分一母二子大印作辟邪鈕通身嵌金絲印四面嵌金絲龍鳳紋朱文四字曰甘士廣印子亦辟邪鈕嵌金絲文曰甘士廣內又有小子印凡鈕文曰伯崑崑應是崑字按廣韻漢複姓有甘字者凡三見甘莊氏甘先氏甘士氏是此姓惟漢有之說文應廣也寬也寬廣同義故字曰伯寬乾隆乙卯段赤亭得於博山子孫二印皆鏤不出款吳南蘋文徵運巧思代爲出之斯譜遂添一母生子孫之章

漢泰疊印



右印白文泰疊二字獸鈕孔廣煥所藏古印初集曰疊从

三日王莽改从三田此印當作于居攝時

蜀漢虎步搜捕司馬印



右印方八分篆文六曰虎步安搏司馬參與搜通搏與捕
通按虎步之設不見漢百官晉職官二志而水經渭水過
武功縣北下鄜注曰諸葛亮表云臣遣虎步監孟琬據武
功水東又諸葛亮與張飛書曰須先教中虎步兵五六千
人則是虎步之官蜀漢所設內有監有搜捕司馬也見濟
寧

魏率善羌仟長印



右印曰魏率善羌仟長按魏志文帝紀黃初三年二月鄯善龜茲于闐王各遣使奉獻詔曰西戎卽敘氏羌來王詩書美之頃者西域外夷竝款塞內附其遣使者撫勞之遂通置戊己校尉故有此仟長印也見濟寧白文

魏屠各率善仟長印



右印曰魏屠各率善仟長按屠各乃北方種落之名後漢書公孫瓚傳瓚子續爲屠各所殺晉書載紀王延罵靳準曰屠各逆奴十六國春秋劉粲傳李矩曰劉淵屠各小醜

此印亦置戊己校尉時所製也見濟寧白文

魏烏丸率善伯長印



右印文曰魏烏丸率善伯長孔廣炎所藏按三國志太祖

北征烏丸率善者故有伯長印也白文

魏率善氏仟長印



右印曰魏率善氏仟長按羌烏丸屠各以內屬得率善之名則此率善亦必氏之新附者見濟寧白文

魏母邱儉印



右印母正儉三字白文孔

廣熹

所藏按儉字仲恭河東聞

喜人封平原侯見魏志

魏如淳印



右印如淳二字白文孔

廣熹

所藏按淳馮翊人官陳郡丞

注漢書

晉大司馬印



右印方七分文曰大司馬印按續漢書百官志初武帝以衛青數征伐有功以爲大將軍欲尊寵之以古尊官惟有三公將軍始自秦晉以爲卿號故置大司馬官號以冠之其後霍光王鳳等皆然成帝綏和元年賜大司馬印綬罷將軍官世祖中興吳漢又以大將軍爲大司馬晉職官志魏大司馬大將軍各自爲官位在三司上晉受魏禪因其制石苞義陽王望竝爲之印此篆刻異於兩漢故定爲晉印見濟寧白文


晉殿中司馬印



右印文曰殿中司馬孔廣熹藏一方鼻鈕濟寧見二方形

製略同古印初集曰晉書百官志更制殿中將軍中郎校尉司馬又與服志次殿中司馬中道按晉置殿中司馬二員大駕出則居華蓋後乘輿前楯弩閒與殿中都尉校尉共一行白文

晉臨淮太守印



右印文曰臨淮太守章孔

廣熹

所藏古印初集曰漢書地

理志臨淮郡武帝元狩六年置又百官公卿表郡守秦官掌治其郡秩二千石景帝中二年更名太守漢官舊儀中二千石二千石銀印青綬綬其文曰章續漢書郡國志臨

淮更爲下邳國晉書地理志臨淮郡太康元年復立此印篆文形製不似西漢物蓋晉太康元康間印也白文龜鈕

晉殿中都尉印



右印曰殿中都尉按晉書輿服志次殿中司馬中道殿中都尉在左殿中校尉在右左右各四行印見濟寧白文

晉木工司馬印



右印方五分文曰木工司馬按晉書司徒司空開府從公加兵者增置司馬一人秩千石晉時將作大匠不常置而

漢制司空掌管城郭起都邑有左右前後校士豈晉因漢制適有木工之事而司馬督之故刻此印歟不然木工司馬無專官也見濟寧白文

晉歸義胡王印



右印曰晉歸義胡王按晉書職官志略之武帝紀咸寧五年冬十月戊寅匈奴餘渠都督獨雍等帥部落歸化封之必此時事不然後此劉元海起胡王不復歸義於晉矣見濟寧白文

晉歸義羌王印



右印曰晉歸義羌王按晉惠帝紀永平六年秦雍氏羌悉
叛推氏帥齊萬年僭號稱帝則知前此赤亭諸羌久歸義
者見齊寧白文

晉蠻夷率善仟長印



右印曰晉蠻夷率善仟長按晉職官志略之武帝紀咸寧
三年西北雜虜及鮮卑匈奴五溪蠻夷東夷三國前後千
餘輩各率種人部落內附印必此時所置千夫長之所佩

歟見濟寧白文

晉率善氏伯長印



右印曰晉率善氏伯長白文顏

崇禎

所藏說見前

晉楊駿印



右印白文楊駿二字鼻鈕孔

廣興

所藏古印初集曰晉武

帝遺詔差殿中司馬十人給楊駿令得持兵出入

北魏鷹揚將軍印



右印曰鷹揚將軍章白文按鷹揚元魏隋并設此官魏書
官氏志與折衝將軍等爲五品上官隋百官志敘牙門期
門後鷹揚爲三班謂不登二品應須軍號之稱見濟寧

北魏凌江將軍印



右印徑八分銅質龜鈕白文篆五字曰凌江將軍章桂未
谷額曰北史劉庫仁字沒根建國三十九年昭成暴崩道

武未立符堅以庫仁爲陵江將軍關內侯史作陵誤離贖
友人持此見遺僞爲漢印余觀其鈕製定爲魏以後物考
之果然

北魏建威校尉印



右印曰建威校尉白文按魏書官氏志始有建威將軍之
名未云有建威校尉然校尉乃將軍屬官豈爾時亦可借
此銜耶印在濟寧

北魏張祐印



右印曰張祐印信白文見濟寧按祐字安福安定石唐人
高祖時歷官左僕射進爵新平王諡曰恭

北齊宋買印



右子母印惟有其子二面一面曰宋買一面曰買臣益都
段松岑所藏後贈於曲阜桂未谷按武進士億偃師金石
記有北齊天統年間人宋買造像記內稱大都邑主宋買
又稱邑中正宋買或此人未可知也皆白文

唐金陵男典書丞印



右印曰金陵男典書丞按金陵自唐以前名秣陵唐書地理志江南道昇州縣上元望本江寧武德三年更江寧曰歸化八年更歸化曰金陵九年更金陵曰白下又百官志宏文館秘書監俱有典書丞而王府官有典籤無典書又不詳五等爵所屬何官得此可補唐書職官之所未備見
濟寧白文

唐顏真卿印



右印方九分厚二分無鈕朱文真卿二字篆法不古疑非

唐製曲阜顏運生家藏

黃神越章印



右印兩面圓穿前後向一面曰黃神越章一面曰口里之
印口口口口口月直已心口司口君井口口孔廣熹所藏
古印初集曰抱朴子古之入山者佩黃神越章之印其闊
四寸其字百二十爰見黃神越章印文亦四字大與此印
等有鉏皆白文

宜爾子孫印



右印曰宜爾子孫玉印覆斗鈕孔廣熹所藏古印初集引

張應文云漢晉印章于所著所見約數千方其文止刻姓名及字別無閒散道號家世名位引用成語若子孫永寶立爾子孫子孫世昌日利利出等印卽爲閒文矣白文

銅節印




右節長四分寬一分半作虎形僅存其半也通高寸許古色可愛按周禮山國用虎節續漢書輿服志有銅竹之分蓋合勘以辨真僞者淄川廩生高晏謨所藏

銅節印



右節高七分長五分寬四分作虎形兩符間含一小虎小
虎之尾卽借作大虎之尾製作甚精藏濟寧王宗敬家


宋都統之印



右印方一寸九分朱文篆字曰都統之印孔戶部
都統蓋沿唐制宋建炎初置御營司擢王淵爲都統制名
官始此乾道三年帝諭輔臣江上諸軍各置副都統一員

輿服志亦載紹興三十年鑄馬軍司統制領官朱記是都
統當用印統制統領當用記也藏孔農部家

朱句當公事之印



右印方寸九分朱文篆字六曰句當公事之印以下六印

并舊藏曲阜顏敘授

崇禎

家今贈同里孔

廣熒


翁檢討

樹

培曰宋史職官志句當公事官一員以朝官充掌分左右


廂檢計定奪點檢覆驗估剝之事屬三司使元豐官制行
罷三司使歸戶部廣韻去聲五十一候句注云句當也俗
作勾考太祖時曹武惠王平江南回梅友有云江南句當
公事及建炎時以避高宗嫌諱改句當爲幹辦如宣撫使
官屬有幹辦公事官是也据此則是官設于宋初至南渡
後則不復有句當之名此殆北宋初年之官印歟

宋印造鈔庫之印




右印方一寸六分朱文篆字六曰印造鈔庫之印孔戶部
繼通曰宋史職官志云提舉茶鹽司掌摘山鰲海之利以
佐國用皆有鈔法又云元豐中詔熙河涇原蘭州路州軍
宜屬職田每頃歲給錢鈔十千又興服志行在都茶場會
子庫庫印五紐各以會子庫印造會子爲文是造鈔庫印
亦南渡後之制也

宋提舉城隍司印



右印徑一寸七分朱文上有六星篆字六曰提舉城隍司
印孔戶部繼曰宋史職官志有提舉常平司都大提舉
茶馬司以至坑冶市舶學事保甲河北糴便諸司皆設提
舉則割江防秋凡築城浚隍亦當有提舉司舊制嶽瀆諸
廟置令丞主簿多統于其縣命京朝知縣者稱管勾廟事
或以令錄老耄不治者爲廟令判司簿尉爲廟簿也

宋都虞候朱記



端拱二年

上

四月鑄

右印方一寸七分朱文篆字九曰拱聖下十都虞候朱記
上面正書端拱二年四月鑄七字中又一上字孔戶部

繼

通曰都虞候在京在外皆有之品秩尊卑不一惟殿前司

爲最所稱三帥者都指揮使副都指揮使都虞候也都指揮使以節度使爲之副都指揮使都虞候以刺史以上充故元祐七年王巖叟言祖宗以來三帥不曾闕兩人若殿

帥缺難于從以超補姚麟係殿前都虞候合升作步軍副都指揮使而馬步軍捧日天武左右廂等各有都指揮使每軍有都指揮使都虞候每指揮有指揮使副每都有軍使兵馬使十將將虞候承局押官此十都虞候蓋每軍之都虞候十之云者殆猶步軍之十將爾其曰拱聖兵志云乾德中選諸州縣兵送闕下立爲驍雄後改驍猛雍熙中又改拱辰旋改拱聖此印背所鐫乃改拱聖之後至政和四年詔殿前都指揮使在節度使上副都指揮使在正任承宣使上殿前都虞候在正任防禦使上侍衛親軍其馬軍都指揮使副在正任觀察使上馬軍都虞候在正任防禦使之上步軍都指揮使副同馬軍都虞候而開封府都虞候月給廿千六軍都虞候月給五千是其爲帥爲校品

秩稊然然京外職司及諸軍將校給朱記其制長一寸七分廣一寸六分中興以後亦長官曰印僚屬曰記而楊巨源傳倒用合江司朱記亦卽其證矣

宋寧州畱後朱記



右印長二寸七分寬一寸二分朱文八分書八字曰右朱

寧州畱後朱記孔戶部

繼函

曰宋地名惟陝西永興軍路

有寧州陝西秦鳳路有西寧州餘無以寧字名州者印第一二字似宋字且獲之西安或亦宋印歟而字以八分書與

服志云印皆有銅牌長七寸五分諸王廣一寸九分餘廣一寸八分文曰牌出印入牌入印出又符券條太平興國三年乘驛者制銀牌闊二寸半長六寸以八分書然皆不相合殆士庶及寺觀私記之類歟

宋慈聖御筆印



宋仁宗曾皇
后之御印
項元祚藏


右印徑二寸八分寬二寸一分厚一寸五分朱文篆字四

曰慈聖御筆背鐫十三字八分書徑二分曰宋仁宗曹皇后之御寶項元汴藏側又有慈聖御筆四字并同按慈聖曹后乃贈韓王彬之孫女景祐元年冊爲皇后後神宗立尊爲太皇太后慈聖者諡也后諫青苗法擬黜王安石垂死猶免蘇軾兄弟以詩得罪之禍可謂賢矣后善飛白書老學菴筆記載當時揮翰多用慈壽宮寶或有別印後來承襲如欽宗后朱氏道人印高宗吳后賢志主人賢志堂印劉夫人奉華堂印亦未可知均已不傳此曰慈聖御筆似非生前所御之物宋時宸翰專閣儲藏疑當時直閣者用以題識元汴謂爲曹后御寶誤矣印係良玉琢成惜毀於火璽起無色俗子冀其外乾而中強也剖之渠眉四匝

焉藏孔

廣吳家

宋曲阜縣酒務記




右印方一寸九分朱文篆字六曰曲阜縣酒務記按此必
宋眞宗大中祥符五年以前印蓋大中祥符五年閏十月
卽改縣曰仙源矣曲阜雖置自有唐以來然唐無酒務官
惟宋諸州軍乃設監當官掌茶鹽酒務征輸及鐵冶之事
故有此鈐記殆微員也舊藏顏教授

崇槩家今贈山東按

察司獄馮策

元左副元帥之印



右印方三寸朱文篆字六曰左副元帥之印按元帥之名
惟元有專官廣西兩江道等五府置宣慰使都元帥三員
副都元帥二員曲靖等路置都元帥二員副元帥二員既

日二員則分左右明甚孔
廣奕所藏

泰安天仙照鑒玉印



泰安縣庫有玉印黝然方三寸七分高三寸餘無鈕爲碧霞元君印陽文篆字四曰天仙照鑒形色古樸實爲宋以前物